



Broj:02-02-492/26
Datum: 22.01.2026.

Na osnovu člana člana 15. stav (1) alineja (2) Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09) a u vezi sa članovima 79. i 11.stav (1) Zakona o socijalnoj zaštiti, zaštiti civilnih žrtava rata i zaštiti porodice sa djecom - Prečišćeni tekst - („Službene novine Tuzlanskog kantona“, broj: 5/12, 7/14, 11/15, 13/16 i 4/18) i člana 39. Statuta Grada Lukavac („Službeni glasnik Grada Lukavac“, broj: 14/25) i članova 3. 5. i 6. Pravilnika o kriterijima i raspodjeli novčanih sredstava za sufinansiranje troškova vantjelesne oplodnje („Službeni glasnik Grada Lukavac“, broj 6/23 i 03/24), na prijedlog Službe za društvene djelatnosti i upravu - Gradonačelnik objavljuje:

JAVNI POZIV
za dodjelu novčanih sredstava za sufinansiranje troškova vantjelesne oplodnje

1. PREDMET JAVNOG POZIVA

Predmet Javnog poziva je dodjela novčanih sredstava za sufinansiranje troškova vantjelesne oplodnje.

Cilj lokalne zajednice je da kroz djelovanje u sistemu socijalne zaštite izdvajanjem budžetskih sredstava stvori bolje uslove za porodični život i ojača pronatalitetnu politiku.

2. FINANSIJSKA SREDSTVA

Sredstva za dodjelu jednokratne pomoći predviđena su Budžetom Grada Lukavac za 2026. godinu („Službeni glasnik Grada Lukavac“, broj: 15/25), članom 22. Odluke o izvršenju Budžeta Grada Lukavac za 2026. godinu („Službeni glasnik Grada Lukavac“ broj: 15/25), te na osnovu Programa utroška sredstava Transfera Službe za društvene djelatnosti i upravu Grada Lukavac za 2025. godinu broj: 02-02-59/26 od 08.01.2026. godine, u okviru potrošačke jedinice 05, ekonomski kod **614 239 08 „Transferi pojedincima za sufinansiranje troškova medicinski potpomognute oplodnje“, u iznosu od 39.000 KM** i raspoređivat će se u skladu sa Pravilnikom o kriterijima i raspodjeli novčanih sredstava za sufinansiranje troškova vantjelesne oplodnje („Službeni glasnik Grada Lukavac“, broj 6/23 i 03/24) (u daljem tekstu „Pravilnik“).

Pravo na jednokratnu novčanu pomoć za sufinansiranje troškova vantjelesne oplodnje može ostvariti podnosilac zahtjeva koji ispunjava kriterije iz člana 4. Pravilnika, na način da će Grad, na osnovu predračuna troškova, zdravstvenim ustanovama sufinansirati troškove postupka vantjelesne oplodnje u maksimalnom iznosu do 2.000 KM (slovima: dvijehiljade KM).



3. UVJETI ZA OSTVARIVANJE PRAVA NA NOVČANU POMOĆ

Uvjeti za ostvarivanje prava na jednokratnu novčanu pomoć za sufinansiranje troškova vantjelesne oplodnje na osnovu ovog Pravilnika su:

- a) da je žena koja podnosi zahtjev u bračnoj zajednici i da je brak postojao prije početka vantjelesne oplodnje a vanbračna zajednica u trajanju od najmanje tri godine prije početka postupka vantjelesne oplodnje;
- b) da oba partnera imaju prebivalište na području grada Lukavac, od čega jedan partner najmanje 2 (dvije) godine neprekidno – do dana podnošenja zahtjeva.
- c) preporuka zdravstvene ustanove koja se bavi medicinski potpomognutom oplodnjom;
- d) da žena nema više od 42 godine života;
- e) da postupak vantjelesne oplodnje za koji se traži sufinansiranje nije okončan.

4. POTREBNA DOKUMENTACIJA

Podnosioci zahtjeva za ostvarivanje prava na sufinansiranje troškova vantjelesne oplodnje po ovom Javnom pozivu dužni su dostaviti sljedeću dokumentaciju (original ili ovjerena kopija):

- a) zahtjev;
- b) prijava mjesta prebivališta/boravišta za oba partnera (obrazac PBA-4);
- c) izvod iz matične knjige vjenčanih;
- d) izjava o vanbračnoj zajednici (**ukoliko nije sklopljen brak**)
- e) preporuka nadležne zdravstvene ustanove za postupak vantjelesne oplodnje;
- f) predračun troškova vantjelesne oplodnje na kojem je navedeno koji je postupak po redu – postupak vantjelesne oplodnje za ženu,
- g) tekući račun (**ukoliko se postupak obavlja u klinici izvan BiH**)

Gradska uprava zadržava pravo po službenoj dužnosti da izvrši provjeru dostavljenih dokaza.

NEPOTPUNA I NETAČNA DOKUMENTACIJA NEĆE BITI UZETA U RAZMATRANJE

5. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Zahtjev se podnosi putem Službe za društvene djelatnosti i upravu -Odsjeka za opću upravu, poslove prijemne kancelarije i pisarnice, radnim danom od 07.00 do 15.30 sati ili poštom preporučeno na adresu: Grad Lukavac, Trg slobode bb, 75 300 Lukavac - sa naznakom Služba za društvene djelatnosti i upravu „Javni poziv za dodjelu novčanih sredstava za sufinansiranje troškova vantjelesne oplodnje“.

Podnesene zahtjeve će razmatrati Komisija koju imenuje Gradonačelnik na prijedlog Službe.

Komisija će voditi računa o ispunjenosti uslova propisanih ovim Pravilnikom i Pravilnikom o obimu prava na biomedicinski potpomognutu oplodnju osiguranih lica Zavoda zdravstvenog osiguranja Tuzlanskog kantona („Službene novine Tuzlanskog kantona“, broj: 21/21).

Ukoliko se utvrdi da nisu ispunjeni uvjeti za ostvarivanje prava na sufinansiranje troškova vantjelesne oplodnje u skladu sa odredbama ovog Pravilnika, podnosilac zahtjeva će o tome biti obaviješten aktom Službe.

Javni poziv za dodjelu novčanih sredstava za sufinansiranje troškova vantjelesne oplodnje bit će otvoren do kraja tekuće budžetske godine ili do utroška planiranih budžetskih sredstava.

Javni poziv o kriterijima i raspodjeli novčanih sredstava za sufinansiranje troškova vantjelesne oplodnje bit će objavljen na web stranici Grada Lukavac www.lukavac.ba i u sredstvima javnog informisanja.

Korisniku koji ostvari pravo na sufinansiranje troškova vantjelesne oplodnje uplata sredstava izvršit će se putem Službe za budžet i finansije na osnovu odluke Gradonačelnika i predračuna troškova postupka vantjelesne oplodnje - **na račun jedne od zdravstvenih ustanova koje provode postupak na teritoriji Bosne i Hercegovine.**

Ukoliko se postupak provodi u zdravstvenoj ustanovi koja se nalazi izvan teritorije Bosne i Hercegovine, uplata sredstava će se vršiti putem Službe za budžet i finansije na osnovu odluke Gradonačelnika i predračuna troškova vantjelesne oplodnje zdravstvene ustanove, na račun korisnika prava.

Po završetku provedenog postupka vantjelesne oplodnje, korisnik prava dužan je Službi za društvene djelatnosti i upravu, u roku od tri mjeseca, dostaviti dokaz (ovjerena kopija fiskalnog računa ili odgovarajući dokaz da je postupak vantjelesne oplodnje za koji su sufinansirana sredstva okončan) o namjenski utrošenim novčanim sredstvima dodijeljenim od strane Grada.

Ukoliko se u roku iz prethodnog stava ne dostavi dokaz o namjenski utrošenim sredstvima, korisnik je dužan ista vratiti na transakcijski račun Grada do kraja budžetske godine u kojoj su sredstva izdvojena.

Novčana pomoć se dodjeljuje putem Službe za budžet i finansije uplatom na tekući račun a do utroška obezbijeđenih novčanih sredstava u Budžetu za tekuću godinu.

Dodatne informacije mogu se dobiti na kontakt telefon: 035/ 366-738, putem e-maila: minela.cosic@lukavac.ba ili lično u Grad Lukavac, kancelarija broj 34.

Obrađivač
Minela Ćosić

POMOĆNIK GRADONAČELNIKA
Mirela Bubić, diplomirani pravnik

GRADONAČELNIK

dr.sc. Edin Delić

Dostavljeno:

1. Oglasna ploča 2x
2. Služba za društvene djelatnosti i upravu
3. Za objavu na web stranici
4. Arhiva